

上

小倉山房詩集卷二十二

庚寅年

錢唐袁枚子才

方次者公子招賞牡丹卽席賦謝

郎君才調古終童
薜蘿能招白髮翁
一片霓裳初著雨
一枝玉樹正迎風
堂因肯構春常早
花爲臨池水亦紅
嘆息蘇臺吳有子
老懷傾盡酒杯中

記得初逢小鳳皇
抱來爭及牡丹長
風前摩頂渾如昨

笛裏懷人又幾霜

粵人立峯
委化四年

兩代交情花領畧
半欄燈

影夢悠揚天公也似留賓者
鎮日淋浪雨萬行

岳水軒燒丹圖

盤古忽然死洪荒人一驚不料此例定千年難變更女
媧欲救之煉石聲礧礧神農欲救之嘗百草不停伏羲
欲救之畫卦欲說不說口畔嚶黃帝聰明輒然笑何必
旁門探元妙轉夜作晝豈無燈將人成仙自有道造化
木生我此權天所操造化既生我此身天已交君不見
防邑已賜臧武仲據之尚且將君要何況自家性與命
守之果固誰動搖勿從去處留但從來處取能將後天
捨自有先天與水軒先生悟此機行年七十如嬰兒蒲

團獨坐燒紫烟白毫光色冲青天龍騰雲而下降虎駕
浪以飛翥寓言十七卮言十九道書從古無直詮此義
茫茫向誰話口不能宣且付畫畫上題詩誰絕倫黃海
神仙方道人黃山人方自
然年百歲餘我無碧盧骨又無服散方蓬
山一小謫人間三十霜作登遐頌懷孔子讀養生論笑
嵇康質君圖覺君好勸君珍秘枕中寶莫將此義被天
知恐教十二萬年天不老

傅文忠公輓詞

捧日雍容三十年一朝星隕紫微邊恩雖外戚才原大

病爲南征死更賢忍見

聖躬親奠酒更無內相力回

天久陽望斷貂蟬影羽

騎黃門盡黯然

得久見者
惟公一人

少年曾作霍嫖姚洗甲金川賦
早朝銅柱千尋萬絕域
天章九錫下丹霄百官諾諾階前立
甲第沉沉海樣遙
如此榮華如此福和平兩字總能消

遲却南蠻秦凱歌竟勞上將走滙河
旋軍事類趙充國
曳足人哀馬伏波烟瘴那知公相貴
天威終到鬼方
多送公魂入昭忠廟小阮猶提殺賊戈

下土無端哭上公此身雖賤感恩同
談深各倚宮門柳

手握難忘玉殿風白髮平生春夢遠青天一望慶雲空
陰鄉侯去黃羊冷腸斷南陽老敬通

送劉石菴觀察之江右

莽莽山萬重惟嶽凌宇宙蒼蒼樹萬枝惟松挺堅瘦四
序雖平分五行有獨秀人胡獨不然但觀所秉受觥觥
石菴公實應金精宿神羊不受羈祥麟豈在囿其剛玉
莫磷其清石可噉初聞領丹陽官吏齊東甬光風吹一
年懽懽極老幼先聲將人奮誓志將人救抗上聳強肩
覆下紆緩袖張口輒詆嫫上手多寬宥茲豪既帖柔狐

鼠亦俯伏救災如救焚除弊如除垢殷然愛才心白首

還如舊視學上下江所拔多薪櫛今雖卸臯比羣才猶

輻輳顧榮去未幾宗泰鮑昭來復又鍾六一先生貧三千

弟子富卽如山中氓半面尚未覩未秘當此時羣

相嗾道公逐李斯不許少留返諸生弔於門山鄰餒恐

後我未奉伍符姑且儲糧糗故鄉歸亦佳內省終無疚

果然逢僞言風影皆訛謬匪徒免鞭驅兼且通蘭臭南

國有表章羣儒已製就公獨掉頭言必須某結構自慚

右鼓頑忽被桐魚叩妄將下里音強擬鈞天奏公竟祔

寵之逢人有錦繡惜惜知已恩嚶嚶_知香祝一朝簡

帝心授玉節西走甘棠枝可攀膏雨澤難留人人愛依
劉聲聲思借寇賤子抱區區一言陳左右送公旌遠行
望公德日茂公以天人姿而兼宰相胃高如冰鑑懸那
有吞舟漏寧可察之詳慎毋發之驟猛如萬鈞弩所貫
無不透但慮未中節不愁不滿殼已震賈琮帷可免葉
公胃能爲季橫衝何妨伏不鬪氣斂理益明業廣福彌
厚黃堂雖始基黃扉將肯構祿位奚足矜勛名自可壽
豈徒繼家聲兼以答我后

興望山相公六十韻

上界台星落空山老淚流安危天下係知己一生休竟
捨蒼黎去誰分聖主憂詔書深婉惜恩禮冠公侯
四海新祠廟三江舊節樓軍民懸畫像士女咽悲喉賤
子家青盼垂髫到白頭當時初對策衆口共呀咻獨把
金匱刮高懸鐵網收相扶登玉局學步到瀛洲一帝命
稱師傅人爭獻東脩臯比南面肅絲竹後堂幽若个非
曾點斯文愛子游噓枯情宛轉善誘語綢繆鎮陝姬公
遠分符陶令羞誰知搖墨綬依舊傍旌旆淮海才鳴轂

江東交袂睎官教，移赤墀表薦牧秦郵。見賞壘黃績深，
期管樂傳南衙。風動竹，燕寢兩鳴鳩。泊理同商榷，鶯花
共校讎。回天古定力，濟物識英猷。寬每畱餘地，虛能集
衆謀。清標山嶽嶽，淵鑑海悠悠。鐵牡封疆靜，銀刀約束
周畧知。窺斗嶽，賴得侍巾襜。露小難成雨，花低易落漚。
西川公洗甲，南國我飄漚。爲有親靈養，非關命不猶。慈
雪三度至手板，廿年抽莊子。雕陵雀啗家欄外，牛已經
甘朽。鈍重復受雕，鏤烟裏來千騎。松間過八驕，敲門驚
野鶴。走馬捉閒鷗，敲鼓聲初發。朱簾月在鉤，不將珠字

寄便把木瓜投龍壁新箋滿挑燈驗韻搜牙琴賞宮徵
張草門龍虬味許滴瀝辨詩容格律偷偶然三日別定
有四更留捲幔天人見華衣公子遊棲霞看水石西苑
折花籌鈴閣麻鞋影軍門白苧裘談深人盡怪坐久夜
將擲一日天書至三公內召優美須調玉鼎著久來
金甌似識長離別登車尚逗遛逢村先駐馬過嶺必回
眸批眼長淮水淒淒哀蒲舟寸心輸一送半面抵于秋
南北終乖迺鱗鴻不自由人來傳老健信到忽山邱今
歲東巡狩伊誰扈冕旒驚聞身乞假還挈疾能瘳學

料勲勞笏都成土一抔干公無憾矣問國有人不梅
兩岑冰濕山河渺渺秋舊塲端木築楚些景差譚立雪
心猶在荒莊德未酬羊曇腸斷後永不過西州

和對亭舍人司馬相如詩

隱干酒者多隱干色者少我愛馬長卿竟抱文君老當
時漢武帝雄心超八表五十四年中賢臣何草草豈無
人才生日炙星光小一蹶不自知三族已難保汲公終
竟危曼倩亦太巧悠然消渴人愛病閒居早借賦遣光
陰借獵上諫表自有于年名高文典冊好

贈彭苦楮少詹

野人居深山十事九不理忽聞秋榜發賀者相接趾賀者爲誰歟乃是落弟子宜毀而反譽使我心疑揣亟索中雋文摩挲老眼視誠然髦士齋衡鹽漬如水解題必鈞元論文輒挾髓浮華掃而空精金不見滓五色間纈纈八音冀宮徵屈指百年來此科能有幾不覺願見公兩足不能已蒙公一笑迎未語色先喜文人共此心今朝相印矣當其目勞時焚膏夜繼晷諸生八千卷卷卷爲排比勦沒使之升珠理爲之洗所采青珊瑚一半山

海底猜其必蒼蒼來謁果黃綺決其必英俊登門果桃李凡公所網羅皆我所懸擬異哉精誠通千里如尺咫聞掩耳益聰名糊日不昧復命公將行有一詔敕公止江南文獻邦督學汝爲使取汝舊玉尺重畀新和梓此信一以傳儒林盡傾耳其夜文昌星繹繹東南指僕老無所求胡亦笑口哆抱此素夷好區區心未死恨不作諸生星文寫生紙姑勵五字詩諷誦當瞽史最公堅初心斯文振頽靡會見斗牛間榮光燭天起

江中望樓霞山色弔尹文端公

推篷底事忽淒然望見^樓霞一角懸往日風花迎上相
祇今宮殿鎖秋烟難忘蕭寺傳箋處永斷程門立雪天
料得多精羊太傅魂歸還到此山巔

酒旗

客中誰勸醉如泥賴有旗懸野店西望見一竿村便好
未停雙轡馬先嘶風狂似欲招人急花落遙知取價低
我是天涯倦遊者也曾小住喚偏提

掃墓

五十還鄉客孤單尚一身白頭人掃墓愁殺墓中人

題桂樹

笑啼多少兒時事一一難瞞是此花今日相逢花解語
也應喚我主人家

別時悔不把花量別後花添幾尺長惆悵風前一回首
負他三十七年香

一枝曾折廣寒宮貧賤交情老更濃笑我歸來無別贈
幾行詩當錦衣封

贈高嵩瞻觀察

當時落魄帝城東兩脚行滕類轉蓬脫粟一甌誰飯我

居停三月敢忘公儒林身負三朝望廉吏家餘四壁風
慚愧王孫恩未報千金還在此心中

還杭州五首

望見故鄉城如入前生界茫茫事全非歷歷夢還在離
鄉四十年一宿無聽解權僦老僧菴得庇敢嫌隘兒童
爭聚觀疑我來天外我亦自孤悽將身當客待朝出
尚欣墓歸寂難耐殘燈壁間小胡風窗外大

骨肉只一人阿姊十年長叩門往見之白髮垂兩頤聞
聲知弟至迎出精神爽絮語自知多堅坐頻教強相約